





ქუთაისი — სახუნივერსიტეტი



12 ოქტომბერს პიესა „პირისპირით“ გაიხსნა სახუნივერსიტეტის სტუდენტთა თეატრის სეზონი. სურათზე: კ. უგულავა გურჯიანის როლში.

რატომ აცდენენ?

გეოგრაფ-გეოლოგიის ფაკულტეტის კომკავშირული პოლიტსკოლის ზოგი მსმენელი უპასუხისმგებლობას იჩენს და მეცადინეობას არ ესწრება.

ჯ. კუტუბიძეს 3 ვაცდენა აქვს, ლ. ჯუჯუას 4 და სხვა.

სტუდენტ გ. აბულაძეს პოლიტსკოლის მსმენელს ვერ ვუწოდებთ, რადგან იგი ერთჯერაც არ დასწრებია მეცადინეობას.

დ. უკლავა

ჭადრაკი დაივიწყეს

გასულ წელს უნივერსიტეტში არსებობდა ჭადრაკის წრე, რომელმაც საკმაო წარმატებას მიაღწია საქალაქო გუნდურ შეჯიბრებაში (პირველი ადგილი).

წრისათვის გამოყოფილი იყო სპეციალური ბინა. წელს იგი სხვა დანიშნულებისათვის გამოიყენეს, ჭადრაკის კომპლექტები დაკარგეს, წრე ახლა უბინაოდ დარჩა და უყურადღებოდაა მიტოვებული.

12 ოქტომბერს სახუნივერსიტეტის ფეხბურთელებმა საქართველოს პირველობაზე მორიგი მატჩი ჩატარეს ქუთაისში ადგილობრივ „დინამოსთან“.

მიუხედავად ცუდი ამინდისა შეჯიბრებამ მრავალი მაყურებელი მიიზიდა.

ატალახებულმა სტადიონმა ხელი შეუშალა ორივე გუნდს თამაშის მაღალი კლასის გამოქვეყნებაში. თამაშის დაწყებიდან რამდენიმე წუთის შემდეგ ინიციატივას სტუდენტები იღებენ. ისინი გაძლიერებულ შეტევას აწარმოებენ დინამოელთა კარისაკენ. 25 წუთზე იხსნება ანგარიში — სტუდენტებს გააქვთ პირველი ბურთი, ხოლო ტაიმის ბოლომდე კიდევ 1 ბურთით ზრდიან ანგარიშს.

მეორე ტაიმში ქუთაისელთა უპირატესობა შესამჩნევია. ისინი დრო გამოშვებით კრიტიკულ მომენტებს ქმნიან სტუდენტთა კართან, მაგრამ მეკარე ჯიბლაძე მშვენივრად იგერიებს მათ „მკვდარ“ ბურთებს.

კვლავ ძლიერდება სტუდენტთა იერიში და 2 ბურთი ზედიზედ გაჰყავთ დინამოელთა კარში. თამაშის ბოლო წუთებში სტუდენტებმა ტემპი მოადუნეს. ამით ისარგებლეს „დინამოს“ თავდასხმელებმა და მშრალ ანგარიშს დააღწიეს თავი. მატჩი დამთავრდა 4:2, სახ. უნივერსიტეტის გუნდის სასარგებლოდ.

ზესტაფონი — სახუნივერსიტეტი

18 ოქტომბერს ზესტაფონში ჩატარდა თბილისის სახუნივერსიტეტისა და ადგილობრივი „მეტალურგის“ ფეხბურთელთა გუნდების შეჯიბრი საქართველოს პირველობაზე.

მწვავე და საინტერესო ბრძოლის შემდეგ მატჩი დამთავრდა სტუდენტთა გუნდის სასარგებლოდ, ანგარიშით 2:0.

უნივერსიტეტის ფეხბურთის გუნდს 6 შესაძლებელიდან შეგროვილი აქვს 4 ქულა.

ჩვენ გვწერენ

პიტოვავა გვიასუხოს

ასპირანტურაში შესასვლელი გამოცდები 8 ოქტომბერს უნდა დაწყებულიყო. პირველ დღეს საღამოს 6 საათისათვის იყო დანიშნული გამოცდა გერმანულ ენაში, მაგრამ რატომღაც ჩაიშალა.

ასპირანტურის ხელმძღვანელმა პიტოვავა გვიასუხოს რისთვის ჩაიშალა გამოცდები პირველ დღეს.

ს. თუჩანავა.

ასე არ ვარბა

ფილოლოგიის ფაკულტეტის 194 და 194-ა ჯგუფს (ქართული სექცია) ფრანგული ენის ლექცია ერთად ეკითხებათ. პატარა აუდიტორია ბევრ სტუდენტს ვერ იტევს, რაც სწავლის ხარისხზე ცუდად მოქმედებს.

დეკანატს თუ სურს ფრანგული ენა სერიოზულად შეასწავლოს სტუდენტებს, აღნიშნული ჯგუფებისათვის ლექცია მაშინ ცალცალკე უნდა დანიშნოს.

ირ. ვეზაპიძე.

კ. ფალავა

ხათრიანი მორიგეები

წესრიგის დაცვისათვის უნივერსიტეტში მორიგეებია გამოყოფილი. მათ ევალუბათ ლექციების მიმდინარეობის დროს დაიცვან სიწყნარე, არავის მისცენ მე-2-3 სართულზე ასვლის ნება. სინამდვილეში მორიგეები ფორმალურად დგანან ვესტიბულზე და გამველ-გამოველის ვინაობის რკვევის მეტს არაფერს აკეთებენ.

რალა საჭიროა მორიგეები თუ დერეფნებში ისევ დაუსრულებელი სიარული იქნება?

კ. — აძე

კომკავშირული ცხოვრება

ხელმძღვანელობა კომკავშირში ახალგაზრდულს

კომკავშირში ახალმიღებულთა შორის მუშაობის გაძლიერებისა და დახმარების საქმეში უნივერსიტეტის კომკავშირის კომიტეტმა (დ. მაისაძე) ბევრი რამ გააკეთა.

დღემდე კომკავშირში ახალმიღებულებს არავითარი დავალება არ ქონდათ. კომკავშირის კომიტეტის მითითების საფუძველზე, ცალკეული ფაკულტეტების კომკავშირის ბიუროებმა საგრძნობი გარდატეხა მოახდინეს ამ საქმეში. მაგ.: ფილოლოგიის ფაკულტეტის კომკავშირის ორგანიზაციაში 1938 წელს მიღებული იქნა 150 კავშირგარეშე ახალგაზრდა. მათგან — კომკავშირული დავალება მხოლოდ 15 კაცს ჰქონდა. ყოველივე ეს გამოწვეული იყო ჯგუფის კომორგებისა და ფაკულტეტის ბიუროს სუსტი მუშაობით.

ამჟამად ფილოლოგიის ფაკულტეტზე კომკავშირში ახალმიღებულთა რიცხვი არის 255. აქედან კომკავშირული დავალება აქვს 125 კაცს. ფაკულტეტის კომკავშირის ბიუროს მიერ მოწვეული იქნა კომკავშირში ახალმიღებულთა შეკრება, სადაც დამუშავდა საკ. ალკა მე-6 პლენუმის შედეგები.

ფაკულტეტის პირველი კურსის ყველა ჯგუფში (სულ 15) ჩატარებულია კომორგების არჩენები. მთელ რიგ ჯგუფებში კომორგებათ არჩეულ იქნენ ახალმიღებულები, რომლებიც სანიმუშოდ მუშაობენ (მაგ. ზანდა ჯაფარიძე, ირაკლი თამაზაშვილი და სხვ.) ახალმიღებულები გამოყენებული არიან აგიტატორებად ჯგუფებში და უბნებში. მაგ.: ნათელა კორძაია, შალვა მაჭავარიანი, ქეთო ჩირაძე, ვ. ვაბელია, ვ. იმნაძე, ტრ. სამხარაძე და სხვები, რომელთაც სააგიტაციო მუშაობა სანიმუშოდ აქვთ დაყენებული.

ფილოლოგიის ფაკულტეტის კომკავშირის ორგანიზაციას ნაკლოვანებანიც აქვს. ფაკულტეტზე კავშირგარეშე სტუდენტი 400 მეტია. მათ სურთ კომკავშირში შესვლა, მაგრამ მასობრივი მუშაობა ამ ამხანაგებთან სუსტია. არ არსებობს კომკავშირის პროგრამისა და წესდების შემსწავლელი წრეები, რაც ხელს უშლის კომკავშირის ორგანიზაციის ზრდის საქმეს.

საჭიროა ეს დეფექტები დაჩქარებით გამოვასწოროთ.

ივ. ცანავა

ს. ჯალაღანიძე.

ყურადღება აგიტაციას

ზოგი ფაკულტეტის კომკავშირის ორგანიზაცია სააგიტაციო მუშაობას ვერ კიდევ არ აქცევს სერიოზულ ყურადღებას.

ფილოლოგიის ფაკულტეტის 192-ბ ჯგუფში კომკავშირის ხაზით მომუშავე აგიტატორი დღემდე არაა გამოყოფილი. ამავე ფაკულტეტის 19 ჯგუფში აგიტაცია მხოლოდ ერთხელ ჩატარდა. ისტორიის ფაკ. 1 კურსის ჯგუფებში 5 ოქტომბრამდე აგიტატორები არ ყოფილან გამოყოფილი.

გეოგრაფ-გეოლოგიის ფაკულტეტის 1-კურსის 7 ჯგუფში სააგიტაციო მუშაობა მთლიანად ჩაშლილია. აგიტატორი ნ. ბუგაჩაშვილი აცხადებს „მე არ ვიცი რა მასალა უნდა დავამუშაოო“. ქიმიის ფაკულტეტის 1 კურსის 5 და 6 ჯგუფებში კი აგიტატორები ჯერაც არ შეურჩევიათ.

არც აგიტაციის ხარისხს ექცევა საჭირო ყურადღება. ხშირად აგიტატორები გაზეთის უბრალო წაკითხვით კმაყოფილდებიან და საკითხის დეტალურ განმარტებას ვერც უხვევენ.

კომკავშირის ორგანიზაციამ უნდა იბრძოდეს აგიტაციის არა მარტო ჩატარებაზე, არამედ მის მაღალ ხარისხზედაც.

ალ. მინთაშაშვილი

„უცხო“ სიტყვათა ლექსიკონი

ურთიერთ დამხმარე სალარო — სალარო, რომელიც თითონ საქირთებს დახმარებას. შიშვლირთიშვა — ჯილდო — შეუსრულებელი დაპირება.

აკადემიური საათი — რომელშიაც მორიგის ხასიათის შესაბამისად ხან 45 წუთია, ხან 50.

რვეული — მეტორი უნივერსიტეტის კიოსკში.

რეკლამა — (უნივერსიტეტის კლუბის მხატვრების „შედეგი“) ქართულიდან ქართულად სათარგმნი „შრომა“.

მ. — კ.

ბიბლიოგრაფია

კ. კაპანელი — „მეტყველებისა და ლიტერატურის პრობლემები“

თბილისის სტალინის სახელობის სახელმწიფო უნივერსიტეტის გამომცემლობამ გამოუშვა კონსტანტინე კაპანელის ახალი წიგნი — „მეტყველებისა და ლიტერატურის პრობლემები“. კ. კაპანელმა გარდა ცალკეული ნარკვევებისა ესთეტიკისა და მხატვრული კრიტიკის დარგში, წელს გამოსცა ორი საყურადღებო შრომა ერთი შემოხსენებული წიგნი, რომელიც იხილავს მეტყველებისა და ლიტერატურის თეორიულ საკითხებს, მეორე — „მუსიკის ისტორიიდან“.

კაპანელის ეს სარეცენზიო შრომა დიდ დახმარებას გაუწევს ახალგაზრდობას ხელოვნებისა და ლიტერატურის საკითხების გარკვევაში.

წიგნი ეხება მეტყველების სპეციფიკას, მხატვრული მეტყველების ძირითად თვისებებს, ისტორიისა და ლიტერატურის ურთიერთობას, ლიტერატურის რაობას, ლიტერატურული ჟანრების დახასიათებას და სხვ. წიგნი გამოთქმულია ორიგინალური და გაბედული აზრები ლიტერატურის ბუნების შესახებ, მეტყველების წარმოშობისა და სიტყვის აზრთან დამოკიდებულების შესახებ. წიგნი დაწერილია ლამაზი, მხატვრული ენით და ხალისით იკითხება.

წიგნი ვრცლად არის წარმოდგენილი ქართული მხატვრული მეტყველების ანალიზი, როგორც საშუალო საუკუნეების პერიოდისა, ისე მეცხრამეტე საუკუნისა; კარგი იქნებოდა, რომ აგრეთვე ვრცლად შეჩერებულიყო რუსთაველის მხატვრულ მეტყველებაზე, მის თავისებურებაზე.

წიგნი სუფთადაა დაბეჭდილი და ღირს 6 მანეთი. შეიძლება მისი უფრო მხატვრულად გაფორმება.

ლიონტი ზონია

გამოხმაურება

ჩვენი გაზეთის 30 სექტემბრის ნომერში მოთავსებული იყო მამხილებელი წერილი, რომელიც შეეხებოდა იურიდიული ფაკულტეტის მეორე კურსის სტუდენტების ალბერტაშვილისა და თაგნაშვილის უდისციპლინო მოქმედებას.

იურიდიული ფაკულტეტის დეკანტი გვატყობინებს, რომ წერილში აღნიშნული ფაქტები დადასტურდა და ალბერტაშვილს და თაგნაშვილს მიეცათ მითითება.

პ.-მგ. ჩედაძემოცი

სარედაქციო კოლეგია.